


DISSERTATIO MEDICA

INAUGURALIS,

DE

PERITONITIDE PUERPERARUM,



Digitized by the Internet Archive
in 2020 with funding from
Wellcome Library

DISSERTATIO MEDICA INAUGURALIS,

DE

PERITONITIDE PUERPERARUM.

QUAM,

ANNUENTE SUMMO NUMINE

Ex Auctoritate Reverendi admodum Viri,

D. GEORGII BAIRD, S.S. T.P.

ACADEMIAE EDINBURGENAE PRAEFECTI.

NEC NON

Amplissimi SENATUS ACADEMICI Consensu,

Et Nobilissimae FACULTATIS MEDICAE Decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS ;

ERUDITORUM EXAMINI SUBJICIT

TIMOTHEUS KERIN,

HIBERNUS.

AD DIEM 12 SEPTEMBRIS, HORA LOCOQUE SOLITIS.

EDINBURGI:
CUM PRIVILEGIO,
APUD ROBERTUM ALLAN.

M,DCCC,VI.

DESSERTATIO MEDICA IN AUCTORIALIS.

DE

PERITONITIDE PURULENTERA.

DE

ANALYTIKIS ET CLINICIS.

AVTHORE D. GEORGE HALL D. S. T. P.

D. GEORGE HALL D. S. T. P.

AVTHORE D. GEORGE HALL D. S. T. P.

AVTHORE

AVTHORE D. GEORGE HALL D. S. T. P.

AVTHORE D. GEORGE HALL D. S. T. P.

AVTHORE D. GEORGE HALL D. S. T. P.

AVTHORE D. GEORGE HALL D. S. T. P.

AVTHORE D. GEORGE HALL D. S. T. P.



DE

AVTHORE D. GEORGE HALL D. S. T. P.

AVTHORE D. GEORGE HALL D. S. T. P.

AVTHORE D. GEORGE HALL D. S. T. P.

AVTHORE D. GEORGE HALL D. S. T. P.

AVTHORE D. GEORGE HALL D. S. T. P.

AVTHORE D. GEORGE HALL D. S. T. P.

AVTHORE

AMICO SUO CARISSIMO,

ET EIDEM CONSANGUINEO,

EDVARDO MARLBOROUGH FITZGERALD,

URBIS DUBLINI ARMIGERO;

PROPTER EXIMIAS EJUS ANIMI DOTES,

HOC PIGNUS AMICITIÆ,

CONSECRAT,

A U C T O R.

DE

PERITONITIDE PUERPERARUM.

SECUNDO vel tertio die, post partum, Puerperæ, horrore plus minusve fugaci et vehementi afficiuntur; aliquando, rigor, admodum levis est vel penitus abest, aliquando etiam, post certa intervalla, redit, et induit speciem febris intermittentis, quin etiam incidit, quod ægra, postquam horrescere primum inceperit nunquam postea incaluerit, notatu dignum est quod quamvis hic morbus, ut plurimum invadit, tempore supra dicto, tamen multo citius aut serius aggreditur, ita ut in quibusdam apparuerit, etiam ante partum vel intra paucas post partum horas, in aliis non ante diem nonum vel decimum quartum. Rigori succedit calor magnopere

A

auctus,

auctus, etsi aliquando tam parum augeatur, ut ex ejus gradu non certo scire potuissemus utrum febris adsit, necne. Ægra dolore in variis partibus abdominis vexatur, circa lumbos, ilea, et dorsum dolet, tumet abdomen etiam ad pristinam ante partum magnitudinem, dolet etiam anterior pars capitis præsertim, supra supercilia. Adsunt præterea vertigo et vigilia gravis, sed delirium nunquam vel per raro, et tantum instante morte aggreditur. Lingua initio saltem humida est, mollis, et alba, versus finem aliquando sicca, scabra, fusca, vel nigra fit; dentes raro crusta ejusdem generis obteguntur. Sitis molesta adest, et sapor ingratus oris ægra nausea vexatur, et ventriculus omnia rejicit, nisi frigida et acidula sint, in vultu et oculis feritas quædam et sollicitudo insigniter depicta apparent, spiritus valde demissi sunt, et ægrotæ infaustum exitum præsagunt.

Diarrhœa quasdam ab initio invadit, aliis autem ineunte morbo, alvus astricta est, et diarrhœa postea tantum supervenit; fæces primo virides vel flavæ sunt, dein fuscæ nigræ et foetidissime fiunt; singulæ

singulæ dejectiones etiam, aliquod levamen præbent; urina cruda parce et cum dolore redditur; color ejus per morbi decursum sæpe mutatur, et versus finem sedimentum deponit.

Pulsus inter rigorem parvus debilis et frequens est, calore crescente fit frequentior et plenior, ictus ejus numerantur, a centum, ad centum et quadraginta, morbo autem ingravescente fit, adeo frequens et debilis, ut ne numerari quidem vel sentiri posset; respiratio accelerata est, et brevis, potius quam laboriosa, quasi ægra horreret compressionem ex descensu septi transversi, et actionem musculorum abdominalium, dolor aliquando sentitur, in quadam parte thoracis et tussis molesta adest, quamvis huic morbo non propria, sed prorsus fortuita.

DENMAN, solo auctore, tumor erysipelatosus, subruber, circa solidi magnitudinem, vel etiam amplior in genibus, talis carpis et condylis digitorum apparet, et semper lethalis est; non omittendum est aliud symptoma quod TISSOT solus memoravit, nempe maculam rubram ad mediam partem abdominis ascendentem, quæ simul ac nigrescat, mortem instantem indicat; Doct̃or JOSEPHUS CLARKE, Dubliniensis,

vir maximo acumine ingenii præditus, et usu peritiffimus, bene notat, quod symptomata referentia ea, quæ in Peritonitide obvia sunt, sæpe post partum ab aliis causis oriantur, sed si catharticis vel fermentis intra horas viginti et quatuor cedant, credendum est alium morbum potius quam peritonitidem adesse; DENMAN quoque, de quo supra dixi, tradit, talia oriri, ex flatu vel ex spasmis uteri qui cito per varias partes abdominis diffunduntur, hæc, præsertim si ephemera comitetur, imperitum medicum fallunt, et sic sibi ipsi et aliis persuadet, peritonitidem cessisse nunc huic medicamento, nunc illi, cum revera nil tale adesset, eruptio miliaris, quæ aliquando in hoc morbo notatur, a ratione medendi potius quam a natura morbi pendet.

Petichix et vibices quoque observantur, et putredinem morbi probe designant, morbo ingravescente prostratio virium adeo magna est, ut ægra resupina jaceat, tam valde imbecillis ut in utrumque latus se vertere nequeat, nec sinat seipsam verti, alvi dejectiones involuntariæ sunt, urina, ægra inconscia, redditur, tumor abdominis aliquando subsidet, et dolor cessat, extrema frigent, pulsus

repat,

repat, et numerare nequit, sudores colliquativi manant, dein succedunt convulsiones, singultus, et tandem mors ipsa. Tempus quo mors evenit in aliis aliud est, et pendet a robore constitutionis, et vi morbi, in plerisque tamen accedit, ante diem sextum, in aliis multo citius, viz. intra horas viginti et quatuor, vel triginta et sex, in aliis tamen non ante diem duodecimum vel etiam serius.

SECTIO CADAVERUM.

Nisi tumor abdominis ante mortem subsederit, cavo ejus inciso multum aëris foetidi erumpit, ventriculus et intestina, praesertim tenuia, saepe aëre distenduntur, omentum praë omnibus aliis partibus inflammatione afficitur, et quasi tabe confectum est, in quibusdam, etiam gangrænosum, sed hoc proximum non obvenit, in nosocomio Dubliniensi, et CLARKE, de quo antea memoravi, conjicit insignem affectionem, omenti pendere ab hoc quod pluribus peritonæi tunicis obtegitur, quam alia viscera; suspicatur etiam, gangrænam tunc solum videri occurrere.

occurrere, nimis longo intervallo temporis, inter mortem et sectionem cadaveris interposito. Intestina etiam inveniuntur inflammata, et mutuo sibi ipsis et vicinis partibus adhærentia; secundum post omentum, sicut cadavera secta in eodem nosocomio ostenderint ligamenta lata uteri, et caput cæcum coli præcipue læsa fuerunt, imo totum peritonæum, longe, lateque, inflammatur. Cætera viscera abdominis plerumque illæsa inveniuntur, etiam uterus ipse, tunica ejus externa excepta; quinetiam in cavo abdominis multum luteoli serosi, et plerumque foetidi liquoris reperitur, et præterea materies, lac coagulatum referens.

NATURA MORBI.

QUOAD causam proximam, hujus morbi, varias opiniones auctorum quam brevissime potero enarrabo, hi ergo affirmant, morbum oriri, vel ex suppressione lochiorum, vel ex metastasi lactis, vel ex corrupto aëre, vel ex inflammatione uteri, vel omenti et intestinorum, vel denique quod morbus ipse

ipse est, typhus contagiosa, vel saltem cum typho conjunctus. Priores duas sententias refellere prope supervacaneum est, quoniam aliquando per totum morbi decursum lochia et lac quoad quantitatem vel qualitatem, nullam mutationem subeunt; et si aliquando, ab aliqua causa, quod non raro accidit, suppressa vel retenta sint, non idcirco peritonitidem puerperarum faciunt, omnis itaque lochiorum et lactis mutatio quoniam aggressionem consequitur, judicanda est potius pro effectu, quam pro causa; nam si metastasis lactis satis valeret, ad generandum morbum, nonne patet, quod aggredieretur omnes eas quæ ubera infantibus præbent, iisdem depulsis; et omnes puerperas, lacte, ab aliquo alio morbo, vel affectione animi, suppresso. Iterum, si morbus esset typhus, vel typho conjunctus, manifestum est ut invaderet alias, pariter ac puerperas, et grassaretur, privatis in domibus, eodem modo, ac in nosocomiis.

Puerperæ quoque delirio vexarentur, similiter ac nonnulli alii, qui typho afficiuntur, sed hoc nunquam aut perraro accidit, insuper egomet ipse vidi puerperas cum typho colluctantes, sed omnibus

patho-

pathognomonicis signis hujus morbi quem nunc tractamus carentes, hæc doctrina, igitur, mihi videtur, a quibusdam fingi, non quod ipsi viderunt, quod docent, nec quod cum veritate congruit, sed quia se fore inclytos credunt, si aliquod novum quam ineptum sit, in medium proferant, et præterea multo facilius talia asserere, quam verum indagare. Ex variis hujusce morbi historiis, nobis traditis, mihi manifestum est, corruptionem aëris satis pollere ad excitandum morbum in aliqua muliere post partum, et in aliquo loco ; et insuper in puerperarum nosocomiis, ubi solum aliquid tale evenire potest, experientia plene probavit, semper morbum contagiosum, reddere ; non idcirco tamen credendum est causam esse proximam peritonitidis, quoniam si hoc esset verum, quandocunque hæc febris in nosocomiis oriatur, fieret quoque contagiosa, et grassaretur per omnes puerperas ; e contrario autem accidit, nam omnibus, qui talibus asylis versantur bene notum est, quod unam vel alteram mulierem invadit, non latius autem vagari nisi munditiis neglectis, aut aëre impuro eam fovente, quacunque autem ex causa oritur, statim inveterascit, et contagiosa

giosa fit, si ventilatio omnino negligatur, vel si aër aliquo modo sit impurus, ex supra dictis, videre licet, aëra vitiatum, aliquando saltem, causam esse excitantem, et semper mutare naturam morbi, ita ut, febris induat, typum putridum, et contagiosum, quoniam, tamen concedendum est, morbum existere posse, ubi aër, nec noxius, nec malignus sit, satis patet, aëra mephiticum non esse causam quam quærimus, si, per hanc causam, cum illustrissimo et sagacissimo GREGORIO nostro, intelligamus, eam, quæ præsens facit morbum, mutata mutat, et sublata tollit.

Nunc restat, ut, de inflammatione pauca dicere, vix opus est, de tali affectione uteri ullam mentionem, facere, quoniam, sectiones cadaverum satis ostenderunt, perraro adesse, et ideo confitendum est, pro symptomate tantum non pro causa, habendam esse ; quoniam, autem omnes fatentur, inflammationem omenti et intestinorum, peritonitidem, semper comitari, et, quoniam, manifestum est morbum, saltem magna ex parte, ex hac affectione constare, mihi, verisimilius videtur, hanc, potius, quam ullam aliam, esse causam supra dictam, nec, iis auscultandum est, qui affirmant, si hæc

doctrina esset vera, quod morbus sæveret, crebrius, latiusque grassaretur, quam nunc revera accidit, quoniam, secundum eos, causæ excitantes omnibus sunt communes, nempe, pressura ex gravido utero, et nixus inter parturiendum; hi, mihi videntur, oblivisci, quod, etsi, omnes puerperæ inflammationi pariter obnoxiae sint, non idcirco pariter proclives; sic, non quivis incidit in typhum, etiamsi, ejus contagioni, sit obnoxius, non omnes vexantur rheumatismo, nec catarrho, nec ullo alio morbo, quandoque eorum causæ excitantes admotæ sint; iterum, quærent, si inflammatio sit causa morbi, quomodo unquam fiat contagiosa; tales mihi respondeant, quomodo aliquis inflammatorius morbus fiat contagiosus, nempe cynanche maligna, vel variolæ; vel qualis sit natura ullius contagii, nam, quamvis modus, quo, hoc vel illud operatur, omnium tyronum in ore sit, et, quasi ignis fatuus, eos in errorem ducit, modus operandi, non solum contagionis, verum cujuslibet alius rei, nunc eludit, et in omne ævum eludet, acumen, sagacissimorum philosophorum; sed ad rem, nonne ulcera, et erysipelas, in nosocomiis, induunt speciem malignam, ab aëris natura

natura genitam, interrogare velim, an facilius est, intelligere, qua ratione, miasma paludum, vel effluvia ex humanis corporibus, contagium generant, quam qua ratione, aer mephiticus excitat, vel in pejus vertit, hunc morbum, de quo nunc dicimus.

Ad summum, siquidem, mutationes lochiorum, et lactis, in hoc morbo, aggressionem febris consequantur, et siquidem typhus, et conjunctio ejus cum typho, sint meræ fabulæ, et siquidem ejus causæ remotæ, nonnullæ saltem ex his, semper adsint, et aër mephiticus satis valeat, vertere in pejus, non solum hunc morbum, verum etiam multos alios inflammatorios morbos, nonne confitendum est, me, naturæ peritonitidis, nempe, quod nunc contagiosa sit, nunc iterum, pure inflammatoria, talem rationem reddidisse, ut nil objici possit, nisi quod simplex sit, et quod experientia, et sectio cadaverum, ejus veritatem satis probarunt.

DIAGNOSIS.

DOLORES, hunc morbum comitantes, facile, a doloribus quæ post partum subeunt, dignosci possunt, nam hi, remissiones admittunt, et iterum post intervallum redeunt, dum illi, per totum morbi decursum, ægram vexant; insuper, nulla pyrexia, posteriores comitatur, sed prioribus semper adest; fortasse, ridiculum foret, inter hunc morbum et febrem lacteam, discrimen memorare, ni inclyti auctores hanc rem notassent, quasi, aliqua mulier, quamvis ægrota, vel medicus quamvis stolidus, vel obstetrix quamvis temulenta, non possit discernere, inter tumorem, dolorem, et tensionem, mammarum, et easdem affectiones abdominis; dignoscuntur a colica, propterea quod, in hac, dolor abdominis pressu levatur; in illa augetur, in colica etiam, alvus semper astringitur, et pyrexia raro, vel nunquam adest, quod contra, accidit in peritonitide; a cholera dignoscuntur, quia diarrhœa, et vomitus, quæ in posteriore occurrunt, multum levamen præbeant, et surarum spasmoda adfunt, abdomen tactum,

tañtum, non tam graviter dolet, pyrexia fere abeft, et ægra, nulla fpirandi difficultate, torquetur ; in hyfteritide dolor, tumor, et tenfco, in regione uteri, et vaginæ, tantum fentiuntur, fed in altero morbo, per totum abdomen diffunduntur ; in hyfteritide delirium etiam cito invadit, et os uteri tañtu dolet ; ephemera febris, Anglice, diñta *Weeds*, eodem modo, ac peritonitis, incipit, nempe ftadio frigido, cui, calor, et fudor, fuccedunt, a quibus, morbus, plerumque intra horas viginti et quatuor vel triginta et fex, folvitur.

CAUSÆ REMOTÆ.

INTER caufas remotas, numeranda eft graviditas ipfa, quandoquidem morbus, aliquando ante parturitionem invadit, fed, præ omnibus aliis, nixus inter parturiendum, corpus huic morbo proclive reddunt ; ad eundem modum, judicandum eft, de omnibus, quæ, ftatum debilitatis iducunt, vel fyftema irritabile faciunt, veluti pathemata mentis, et evacuationes nimix ; ad excitandum morbum, præcipue

pue valent, aëris puri, defectus, diæta aliena, liquores vinosi, vel aromatici, calor nimius, rivus aëris frigidi, animi, affectus deprimentes, qui, aliquando morbum excitant, aliquando etiam, prædisponunt corpus, in hunc morbum incidere; injuriæ, inter parturitionem, vel vis ante partum corpori illata, abdomen, fasciis nimis arete vinctum, alvus astricta, cum multis aliis, quæ numerare, pariter grave, atque incommodum foret.

PROGNOSIS.

FERE, semper infauſta eſt, præfertim, ſi, a contagione, febris originem ducat; nam in Noſocomio Dublinienſi, vix una evaſerit, ex ſingulis quinque, quæ hoc morbo correptæ fuerint; nil, de violentia, vel duratione, morbi, ſequentis, prædici poteſt, a vi rigoris, quocum incipit, quo citius poſt partum aggreditur, ſi modo, per aliquod tempus, ſine remiſſione perſtiterit, eo gravior, erit febris; ſi pulſus ſit debilis, et frequens, vel ſi nunc tardus, nunc iterum frequens, ſit, quamvis omnia alia ſymptomata

mata mitescant, infaustus eventus formidandus est ; diarrhœa, ab initio, invadente, si levamen præbeat, et pulsum tardiozem reddat, bonum exitum portendit, præcipue, si eodem tempore, tensio et dolor abdominis minuantur, et respiratio, plenior, et liberior, fiat ; sed, si dejectiones frequentes, sive arte, sive natura, paratæ, ægotæ, opem non ferant, magnum malum præfagiunt ; si lochia et lac suppressa, vel minuta fuerint, fluxus eorum restauratus, faustum augurium præbet ; bonum est, ut ægra, in utrumque latus, se vertere possit, vel, si supersit, ad decimum quintum, vel decimum sextum diem, etiamsi, alia symptomata haud multum leventur ; si inter graviditatem, alvus astricta fuerit, diarrhœa, post partum, superveniens, gravior evadit, et majorem debilitatem facit ; dolor capitis, vigilia, anxietas, animus valde demissus, periculum inducunt ; quæ sequuntur, mortem instantem minitantur, dejectiones nigræ, fœtidæ, involuntariæ, urina, sine conscientia, reddita, frequens, per morbi decursum, vomitus, materiæ nigræ, vel viridis ; dolor abdominis, repente cessans, pulsus
tam

tam frequens, ut ne numerari quidem possit, sudor gelidus, et viscidus, circa caput, et collum, artus frigidi, genæ lividæ, subsultus tendinum, singultus, coma, vel delirium.

RATIO MEDENDI.

DE Venæsectione, in hoc morbo, non omnino, inter auctores convenit; sed ejus fautores, summam cautelam semper exigere, concedunt, et prorsus vitandam esse, nisi, statim post aggressionem febris, adhibeatur; et mihi, quidem, duntaxat probare videntur, hanc medendi rationem, non semper lethalem esse; præterea, quoniam morbus, tam cito, typum contagiosum induit, et in putredinem, et debilitatem festinat, nonne satis constat, nos oportere, ab emissionē sanguinis semper cavere, præsertim, si in nosocomiis, febris graffetur; ad hoc tamen remedium, decurrendum est, si ægra, eodem tempore, peripneumonia vexetur, patet autem tunc usurpandam esse, non ad peritonidem puerperarum summovendam, sed ad affectiones pulmonum levandum;

dum; verisimile quidem est, hirudines abdomini admotas, multum conferre, ad dolorem, et tensionem minuendum.

De usu, ipecacuanhæ, tam magnopere a Gallis celebratæ; CLARKE, a me, antea laudatus, sic notat, videri, levamen præbere, cum febris sit ephemera, nam illa quoque, cum rigore incipit, et tunc temporis, a peritonitide puerperarum, nullo modo, dignosci, potest; in febre autem puerperarum, prodesse arbitratur, si dejectiones, non vomitum, moveat, et sic, in promptu est, quare plerumque spem nostram fallit.

Cathartica autem, maxima vi prædita sunt, tum, ad prævertendum morbum, tum etiam, ad tollendum; ergo, si modo certiores facti simus, de natura morbi, maximi momenti est, talia exhibere, quæ quam citissimè, alvum ciere possint, hujuscemodi sunt, sales neutri, et oleum ricini, quod ad optimum modum administrationis attinet, catharticum omni mane exhibendum est, et haustus anodymus, hora somni, enemata quoque emollientia, huic morbo admodum accommodata videntur, tum ad partes in-

ternas fovendum, tum ad alvum leniter laxandum, epispastica etiam, a quibusdam laudantur.

Fomenta calida, abdomini, admota, ad tensionem, et dolorem, minuendum, magnopere conferunt, sed nos oportet, ea, sæpe repetere, et in usu eorum diu perstare.

PROPHYLAXIS.

MULIERES, per totum, graviditatis, tempus, modica exercitatione uti, permagni interest, convenit etiam, cavere, ab alvo nimis astricta, et ope medicamentorum, eam ciere, si semel in die non sponte dejecerit; quod ad diætam attinet, omnia ea, quæ corpus nimis stimulant, fugienda sunt, et gravidam, iis tantum uti, oportet, quæ nutrimentum simul præbent, et facile concoqui possunt.

Vestes, porro, non omnino negligendæ sunt, nam si nimis arctæ sint, magnum periculum, faciunt, ne post partum, inflammatio superveniret. Inter parturiendum autem, medico, maxima cautela, opus est, ne animum inducat, ad usum instrumentorum

decurrere,

decurrere, nisi, ad salutem mulieris, vel infantis, prorsus necessaria sint; insuper, in educenda placenta, similis cura exercenda est, et festinationem, et violentiam, pariter vitare, medicum oportet; post partum, abdomen fascia leniter comprimere decet, ægrotam, somno, et quieti, committere debemus, et eam tranquillam servare, omnia itaque, quæ animum perturbant, vel eum, deprimere possunt, studiose vitanda sunt, cubiculum, probe ventilare necesse est, ita ut, aer purus, et frigidulus, potius quam calidus, sit, ægræ tamen lectus, rivo, ejus, non objici debet, medici vero, iterum, atque iterum, monendi sunt, quod, nihil majoris momenti est, quam alvum mature movere, nempe post partum intra horas viginti et quatuor, vel triginta et sex, vel etiam citius, si sensus molestiæ, et dolor abdominis, urgeant, et idem repetere, altero quoque die, etiam ad tertiam, vel quartam vicem, multum sæpe proderit.

F I N I S.

